

Paerewa Paetae

Aronga	Hangarau 2.7		
Ingoa	Te whakaputa i tētahi hua hangarau kākahu hei whakaea i tētahi take hangarau motuhake		
Kaupae	2	Whiwhinga	6
Aromatawai	Ā-roto		
Marau akoranga	Te Marautanga o Aotearoa		
Kokonga akoranga	Hangarau		
Mana rēhita	Kua rēhitatia	Te rā i mana ai	19 Whiringa-ā-rangi 2015
Te rā e arotakengia ai	31 Hakihea 2020	Te rā i puta ai	19 Whiringa-ā-rangi 2015

Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa* i whakaputaina e Te Pou Taki Kōrero, 2008.

Whāinga Paetae

Te Whakaharatau Hangarau

6 *Ka kōwhiri i ngā whakatakotoranga kia tika ai te otinga.*

7 *Ka whakatairanga, ka parahau i ngā otinga i runga anō i te āhua o te hiahia, o te urupare a te kiritaki, a te hapori whānui hoki.*

E hono ana ki te Papa Whakaako mō te Hangarau kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te: <http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

<p>Paetae Te whakaputa i tētahi hua hangarau kākahu hei whakaea i tētahi take hangarau motuhake.</p>	<p>Hei tohu i te paetae:</p> <ul style="list-style-type: none"> • Ka puta tētahi hua hangarau kākahu. • Ka whakaea i tētahi take hangarau motuhake i runga i tā te tauāki i tohu ai.
<p>Kaiaka He kaiaka te whakaputa i tētahi hua hangarau kākahu hei whakaea i tētahi take hangarau motuhake.</p>	<p>Hei tohu i te kaiaka:</p> <ul style="list-style-type: none"> • Ka whaitake te hua hangarau kākahu, arā ka kitea ētahi wāhanga o te kounga o te hua hangarau kākahu ka puta.
<p>Kairangi He kairangi te whakaputa i tētahi hua hangarau kākahu hei whakaea i tētahi take hangarau motuhake.</p>	<p>Hei tohu i te kairangi:</p> <ul style="list-style-type: none"> • Ka hāngai pū te hua hangarau kākahu ki te tauāki, arā: <ul style="list-style-type: none"> - ka arotake i ngā āhuetanga me whakarerekē, me whakatikatika, me whakahou rānei. - ka kitea te kounga o te hua hangarau kākahu ka puta. • Ka kitea he wairua auaha i roto i te whakaputanga o te hua hangarau kākahu.

Kōrero Āpiti

1 E whai ake nei ngā whakamārama o ngā tino kupu, kīanga rānei:

whakaea	He kimi rongoā, he kimi ahunga whakamua, he kimi hua rānei e tutuki ai, e mārama ai rānei te take.
hāngai	E tōtika ana mō ngā āhuetanga e hiahiatia ana e te tangata, ā-hanga, ā-karu, aha kē atu rānei.
hua hangarau kākahu	E whakaarohia ana ngā mea pēnei i: <ul style="list-style-type: none"> • ngā kākahu o te Māori • ngā taonga whakapaipai • ngā kākahu motuhake mō te mahi, te tākaro/rēhia, ngā momo huarere, te whakapaipai, ngā kākahu kura, te aha atu • ngā kākahu mō te tamariki, te pakeke, te hauā.

tauāki	He pitopito kōrero whānui tonu mō tētahi hua hangarau. E rua ōna wāhanga: ko te ariā tērā e kōrerohia ai tōna āhua, te pēhea o tana mahi, me te take e mahia mai ai; ko ngā aratohu/tohutohu hoki tērā ka waiho hei ārahi i te ringa hangarau i roto i te whakaputanga o te hua hangarau, otirā hei arotake i te hāngai me te whaitake o taua hangarau ki te take i whakaputaina ai.
take hangarau motuhake	He take hangarau e whai pānga ana ki te hapori, i tohungia rānei e te ākonga i runga i tana kite i te hira o te take ki te hapori.

- 2 Me takoto mai te take hangarau motuhake i roto i tētahi tauāki ka tohungia e te kaiako, e te ākonga rānei. Mā te kaiako anō e whakatau mēnā e pai ana te tauāki hei kawē i tēnei aromatawai.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233